


# Jekkaara



World Vision

Cikela ceman n'a musoman kunnafoni seben

a be bo kalo o kalo  
Jamana baarada la BP. 2043 Bamako (Mali)


## Koori cikclaw be ka laben kooricikclajekuluw ani kooricikclaw ka koperatifuw kono

N° 10

### Dantigelikan

Dine-sosigi te doweré ye waatiko kó. Nka, o waati latemecogo kono. Bees lajelen joyoro matarafako numan de be adamadenya taabolo diili don. Ni maa kelenpe sorola sigida kono min fugariyara dörön a joyoro matarafali la, siga t'a la, o no be yeko juguyaba de ke sigida ka dinenatige kono. Cikela fara monnikela kan ; njunudala fara kungoyaalala kan ; furabbla ... fo ka se baara sifaya kelen kelen bees kebagaw ma, ninnu bees ka baara kécogo numan de be an danbe galabutigiya. Cikela mako be farikolo kenéya la walasa ka daba yalon a nema. Bees mako be bees la. Awa an kelen kelen bees ka joyoro fabaliya be mako do sa signogon kunda ; dugu kunda ; jamana kunda. An m'a ye, n'i ye nonofilentigi ye nono falen na n'a la, o b'a jira ko balotigi bees de taalan ye njogon ye dère. Sigida kono, an k'a nini waati bees k'an joyoro fa, n'o kera an ni jama be ke njogon ta ye.

Tumani Yalam Sidibe



### "Koton Biyoloziki" ye koorisene taabolo jumen ye ?

N° 4-5nan

"World vision" kera sababu ye ka  
balikukalan sinsin kanje dugu kono.

N° 8nan

### Kunnafo ni nafama

N° 2 nan

### Mali jamana taabolo

N° 11 nan

"Kalan be mogo son hakili la, nka kunnafo ni be mogo bo kunpan na". Yoro Ulen Sidibe

## Kunnafo ni nafama

### Ka se Jekabaara kalanduguw ma

Jekabaara nemogoyaso nisondiyalen b'a kalanbagaw ladonniya k'u be se ka bakurunbasan k'u yerenagakoro ni nin aderesi nin taabolo ninnu fe.

### A. Taabolo : Jekabaara laseyoro Sankelen-bakuruba sansongo

Bamako dugu kono	dorome 300
Mali mara tow	dorome 1200
Afiriki "UEMOA" jamanaw	dorome 1800
Afiriki jamana tow	dorome 2400
Djene fan tow	dorome 3000

### B. Se be ke yoro minnu na ka bakurubasan ke

- Jamana baarada - Hamdulayi kin - BP 2043 - Bamako
- Kayi mara : ciklaw ka arajoso
- Kita kafo : Arajo Gintan
- Kulikoro : arajo Jamana
- Kangaba : Jamana gafefeereyoro
- Fana : Jamana gafefeereyoro ani arajo kolonbada
- Segu : arajo Jamana
- Niono : ciklaw ka arajoso
- San : Ibrahima Sisoko (San dogotorecsoba)
- Kucala : arajo Jamana
- Buguni : arajo Banimonoce
- Sikaso : arajo kene
- Duguyiriwatou minnu mana bakurunbasan k'u ka tondenw togo la, kemetylada 15 (% 15) be bin olu ye.

Balikukalansow kalanden-jekulu fana ta b'o cogo la.

**Kolosili** : A jininen don Jekabaara kalanbagaw fe fana, u k'u sendon jekabaara lanenamayali la, ni u ka kunnafo ni cili y'an ma.

Nin bora jamana baarada  
Sannifeere bolofara  
nemaa de yoro  
Mamudu Sidibe

## Poyi

### Tinekumaw

Ni misigenna  
ye tile waati min ke suma na  
i k'a don

A b'o waati kelen ke  
wulafetaama na misiw nofe dere.

Aa, jaa dere  
Foronto kene  
man jugu n'a kenkono ye  
Barisa a bee ju be farinya de la  
ko bee n'a taabolo

Awa jonnin bee n'a dakan.

Maa bee b'a bamuso bolo

Ni maa min ba m'a k'a ye

Siga t'a la, a ba b'a k'a la.

jaa dere

Maaya juru kun gelon  
ko balimamuso danga  
ka farin ni tenenmuso danga ye.  
ko tenenmuso danga ka farin ni  
ba danga ye.

Awa ko ba danga  
fana ka jugu ni fa danga ye.  
jaa dere

A kera jon na anw denfaw ko !

Yuman Yalam Sidibe

## Hakilisenekene.

Bee n'a ka kuru boyoro numan don. jaame  
kuru b'a ko kan, awa adamaden ta b'a kono.  
O de ye jaame ka kuru ke yangafen ye, ka  
adamaden ta ke fenjugu ye, barisa ale yere  
te sigi numan kan !



Tuman Yalam Sidibe

# "Koton Biyoloziki" ye koorisene taabolo jumən ye ?



Bubakar Seku  
Sumare

A bə waati jan bo bi kuma bə s e n n a koorisene taabolo kura kan CMDT c i k e k a f o dōw kōnō, n'o ye koɔriforo ladonni ye kasorɔ tubabunogɔ fan si, ani baga-ji fan si ma k'a la. O de bə wele ko "koɔri tubabunogɔ - bagajintan (koton Biyoloziki)". Walasa an ka faamu bərebere sɔrɔ o kooriseneecogo taabolo kura in kan, an y'an madon CMDT maa faamuyalen na, min ka baara jesinnen be jetaa walew nini-ka labaarali ma koorisene siratege la. An jənəgɔnke o, n'o ye Bubakari Seku Sumare ye, a y'an ka nininkaliw jaabi ni lahala minnu ye, aw bən'o de sɔrɔ nin yɔrɔ in na koɔriforo tubabunogɔ-bagajintan kan, n'an k'o ma ko "koton Biyoloziki".

**nininkali :**  
An balimake, e ye CMDT nemaada baarakela ye min ka baara jesinnen be jetaa baaraw ninini ma koorisene siratege la. O de kanma an sera i ma bi walasa ka baaroda nini i fe koorisene taabolo kura kan, aw b'a fo min ma ko "koton Biyoloziki". Yali i bə se ka kuma an ye o kan wa ?

**Jaabi :**  
"Koton Biyoloziki", i komi i y'a fo cogo min na, kooriseneecogo kura don. K'a fo k'a danma koɔri suguya wəre don, o te. Sene kecogo dɔrɔnpe de b'a ni koorisene taabolo kɔrɔ bɔ nɔgɔn ma. Bagaji te k'ale la, awa tubabunogɔ fana te k'a la. Farafinnogɔ dɔrɔnpe de bə k'a la. Awa a furakeli fana bə ke ni jiriw ye, minnu b'an yərew fe yan, n'o ye sumayajiri ye, ani jiri suguya wəre. O jiriw ji bə se ka bɔ k'olu ke

k'a furake...

**nininkali :**

Jiri suguya wəre, i n'a fo jumən ?

**Jaabi :**

Misali la, jiri dɔ lakodɔnna kolonjeba mara la, u b'a wele ko kobi jiri. Cikelaw yere de ye o kobi jiri o lakodɔn. U b'o ji bɔ, k'o fara sumayajirinin ji kan, ka koɔri furake n'o ye.

N y'a fo cogo min na, sene kecogo dɔrɔn de bə ladala koɔri seneecogo ni "koton Biyoloziki" taabolo bɔ nɔgɔn ma. Nonté, an be koɔri suguya minnu sene an fe yan ka kɔrɔ, o suguya kelenw de don.

**nininkali :**

N'i y'a jatemine, sanga ni waati bəs, yəlemaw de bə nini ka don sene kecogo kɔrɔ dɔ la, walima si ko la. e dun ko di o la, taabolo kura in kan ?

**Jaabi :**

Fen bəs n'a nacogo don, fen bəs n'a nakan don fana. Nin "koton Biyolozikiko" in hakilina donna an kɔrɔ Suwisi jamana ka cakeda dɔ de fe, n'o bə wele ko : "Eliwetasi". Olu de y'a ye ko olu bara "koton Biyoloziki" fini dilannenw de ma ka di maaw ye ka təmə koɔri seneecogo kɔrɔ finiw kan. Eliwetasi y'o de jatemine, ka wuli ka se CMDT ma, k'a nini an n'u ka baara ke nɔgɔnfə, walasa ka "koton Biyoloziki" yiriwa.

**nininkali :**

Ni n ye faamuyali ke, nin taabolo kura in lajininnen don jamana kelen de fe, aw dun ka koɔrisugu ka ca. O b'a jira wa ko aw bəna to sene cogo kɔrɔ kan, ani ka "koton Biyoloziki" fana k'a danma Suwisiw danma kanma wa, walima a bəna ke cogo di aw fe ?

**Jaabi :**

An ye porogaramu fəlɔ min ke, o de don. Koɔriseneecogo kura in te se ka bala ka lase yɔrɔ bəs la ten. An y'a ko damine sekiteri filia de la fəlɔ, n'o ye kolonjeba sekiteri ni yanfolila sekiteri ye. Fen min ye CMDT yɔrɔ tɔw ye, olu bə taa ni koɔrisene taabolo kɔrɔ ye. Sekiteri

fila ninnu sɔrɔ ye fitiinin de ye, an b'a fe k'a ko sifile ni min ye. Ka dīne sugubaw segesegē n'o ye. Komi taasen kura don, CMDT y'a jatemine k'an bə se k'a fana sifile. Nka k'a fo k'a bəna koɔrisene taabolo kɔrɔ labin, o fen te. Hali n'i ye dīne koɔrisugubaw yere ta, i b'a ye ko "koton Biyoloziki" hake man bon. Sugunin fitiinin de don ten, min bə ke nasaaralakaw kanma.

**nininkali :**

Yali an bə se k'a fo ko "koton Biyoloziki" in ye tile kura do fiŋe datɔ ye cikelaw kan wa : yali, e yere hakili la, cikela minnu ye "koton Biyoloziki" in ke sekiteri fila ninnu kōnō, olu bəna sankorota sɔrɔ nanfoloko la wa ?

**Jaabi :**

Fen min ye cikelaw ka sɔrɔko ye, n bə se k'a fo ko cikela dōw ka kan ka se ka nafa sɔrɔ "koton Biyolozikiko" la. Ala ko tige ! k'a fo ko cikela bəs bə nafa sɔrɔ a la, ko cikela bəs ka kan k'a ke, o fana fen te. A nafamayɔrɔ ye min ye, o ye ko juruta t'a la. N'i b'ale seneecogo ke, hali n'i bəs juru ta, o bə dan baara kəminenjuruw ma (wotoro ; Sari...).

Nka, fen min ye tubabunogɔ ni bagaji juruw ye, o t'ale la. O de kanma, juru kelen bə ka cikela minnu kan fa, olu bə se ka "koton Biyoloziki" sifile, k'u sebə don farafinnogɔdilan ma. Barisa a te taa farafinnogɔ caman keli kə a foro la. "Koton Biyoloziki" feereda (kilo sanwari) ka ca ni koɔrisene taabolo kɔrɔ sanda ye. Nka cikela min mana bo koɔrisene taabolo kɔrɔ la waati min ka don "koton Biyoloziki" la yɔrɔ min, o b'a ye ko dɔ bə bɔ a ka tari sɔrɔ hake la. O sɔrɔ hake binni sababu bə bo tubabunogɔ donbaliya de la foro la. A te furake fana ni bagaji ye.

**nininkali :**

"Koton Biyoloziki" senebagaw lakolosilen bə cogo di CMDT fe ?

**Jaabi :**

Baara kera kolonjeba ni yanfolila

A to bənə 4nan

**ne 3nan to**

sekiteri minnu na, Eliwetasi cakeda kelen be ka kenyereye-baara - kolesi baarada fila ta o sekiteri fila ciklaw bilasirali kanma. Olu de be koorisene taa-bolo kura in nejira CMDT ka lakolidenw ni ciklaw la.

Baara damine na, an tun ma dan-fara don koorisenenaw ni nogen ce. Nka san saba sifileli y'a jira CMDT la, k'an tene ciklaw bee ta, u bee ka don koorisene taabo-lo kura in dafé.

Nka a be se ka nesin dabada fiti-ninw ma, minnu ka kene man bon kosebe, n'u be se ka farafinnogo don u ka kene seneta la a nema. Musow fana be fara olu kan, i komi musow ka forow kene man bon kosebe. Baara in bena nesin o mog'o masinaw de ma, ka fara mogow kan, juru kelen be ka minnu kan fa kosebe. Baara taa-bolo kura in kekun ye olu de fana ka se ka soro doonin ke koori la.

Nka, dabababaw, olu minnu be koori ni kaba ani jo soroba ke, n'a be nafa ladon u kun fana, kun t'a la olu ka bo senecogo koro kan koori ta fanfe. Barisa a be se ka ke sababu ye ka daw ka soro bin.

**nininkali :**

i file ka jiri minnu kofo sisan n'olu ye sumayajirinin ni kobi ye, aw ye feere jumen soro o jiriw ji bocogo la ka bila bagaji nona ?

**Jaabi :**

An ma masin bila ciklaw ka bolo kan o jiriw ji bocogo kanma. Awa

CMDT tene masin d'u ma o baara kanma fana. Nka, fen min ye musakako ye, a ma fo ko musaka t'a la fana de. Koorisene taabolo kura in te taa farafinnogo caman boli ko. Farafinnogoko dun te taa minenw ko walasa k'a doni k'a lase foro la. Fen min ye bagajiko ye, an nana a ye ko bagaji do be yen, min b'an yere bolo CMDT la yan, an y'o dili damine ciklaw ma, a be fo min ma ko ("Sipinozini". Spinozini). Sebenw y'a jira an na k'o bagaji be se ka labaara "koton Biyoloziki" foro la, walasa ka feere soro tijenifew la. Koorisene taabolo kura in geleyaba ye tijeni fenw de ye. A geleyaba filanan ye farafinnogo donniko ye. Fo ka foro labo a nema. O geleyaba fila de bena ni cikela ka tari soro hake binni ye kooriko la. An yere hakili la, bagaji min n'an y'o lakodon kosa in na, n'o b'an yere bolo yan, n'an b'a fo ma "Sipinozini", k'o be tijenifew kele haali. An b'a fe k'o don koorisene taabolo kura in na. O be ke sababu ye ka tijenifew nogoya ani ka tari soro sankorota, fo ka se koorisene taabolo koro tari soro hake ma. O bee fana ye musaka de ye. O la, an be se k'a fo ko koorisene taabolo kura in musaka te taabolo koro musaka bo, nk'a fana n'a musaka be nogen na.

**nininkali :**

Yali ni "siponozini" kera kooriforo

la, o t'a bo "biyolozikiya" la wa ?

**Jaabi :**

"Sipinozini" donni foro la, a t'a bo "koton Biyolozikiya" la. Nka, n'an be kumaw fo, n'i m'i da don u ni nogen ce, maaw t'a faamuya. Bamanankan na, an b'a fo ko tubanogo mink'e, o de be ko faamuyali geleya. "Sipinozini" fana be dilan ni fennemananinw doren de ye, bagafen fan si t'a la. O de kanma sipinozini te koori bo Biyolozikiya la.

Fen min ye sumayajirinin ni kobi-jiri jiboli ye, izini do be Senegali jamana faaba (Dakar) kono, ko "Sisemu", o ka baara bennen be senenafafew de dilanni ma (nogow ni bagajiw). O de be jiri ninnu ji bo masin na k'a lase an ma, ciklaw kanma.

**Ladilikan :**

Ladilikan min be ne bolo ka nesin koorisenenaw bee ma, o de ye k'u k'u jija baara fe, sabu la, maa be ko o ko la, a keko numan de b'i nafa.

Fen min ye "koton Biyoloziki" ye, kun fosi t'a la kooriforotigi sorobati-giw k'u kundon a koro. A kekun ye de ka deme don koorisenenaw ma, geleya be minnu kan juruko siratege la, ani musow barisa musakako bere t'a la i n'a fo lada-lakoorisene taabolo.

**Nin nininkaliw kera :**  
Tumani Yalam Sidibe fc

## Sikaso CMDT cikemara dantigew

K'a ta setanburukalo tile 1 la, ka s'a tile 6 ma, san 2002; an ye taama ke Sikaso mara kono, koori ni senefen tow bee taabolo kunnafoni ninini kanma. O taama de kuncera an fe ni Sikaso CMDT cikemara nema ka korofo soroli ye. O ye Mamadu Mama Jara de ye, n'ale ye cikemara senekow yiriwafeere tigeli n'u ka netaa sabatifeere tigebagu ye.

An k'an balimake Mamadu Mama Jara lam'en.

**I - Sikaso CMDT cikemara laha-law :**

Sikaso CMDT cikemara ka mara be boli "perefekitiri" (kafo) fila de kan. Olu ye Sikaso perefekitiri ni Kajolo perefekitiri ye. O perefekitiri fila be ben kilometrekare 20 750 de ma. Sigicogo la, an ni Kucala ni Doyila be danbo woroduguyanfanfe. An ni Burukina Faso jama-na be danbo koronyanfanfe. Fen min ye woroduguyanfan ye, an ni

Kodowari jamana be dance bo yen. An ni Buguni perefekitiri be danbo tilebiyanfanfe.

Fen min y'an ka ji nafama nata ye san kono an fe yan, o ye ninnu de ye.

**- Sikaso ta hake :** o ye milimetere 1168 ye

**- Kajolo ta hake :** o ye milimetere 10863 ye.

Ni ji bena a nacogo la, nin milimetere hakew de ka kan ka na

**A to be ne 5 kan**

ne 4nan to



## *Mamadu Mama Jara*

an ka cikemara kono, san kono.  
N'i y'an ka cikemara duguw ni a  
bugufiyew bee fara nognon kan, o  
be ben dugu 1098 de ma. Awa o  
mume bee kolosilen don an fe a  
nema baara taasira bee fe.

Fən min ye sari n'a minəntigiw  
ye, o be bən hake kuuru % 76 de  
ma. Fən min ye hake 24 tə ye, olu  
ye cikədaw ye, minən ma minnu  
labə. A dəw yərə be sari cike  
nədən, nka minən dafalen t'u  
bolo.

Fen min y'an ka mara daba kuru  
hake ye, o be ben 5286 de ma.

## **II. Seriwusida yere labencogo :**

\* Cikemarakuntigi de sigilen be  
an bee lajelen kunna.

Dankan mögo 7 b'ale la, n'olu ye

1. Baarakelaw tɔ̄gɔ̄lako nɛmɔ̄go
  2. Cikədaw yiriwali feerew  
tigebagɑ̄
  3. Jatew bonda nɛmɔ̄go
  4. Dabalidakow (izinikow)  
nɛmɔ̄go
  5. Siw lakololi n'u nɛnabɔ̄da  
nɛmɔ̄go
  6. Jitonbaaraw kəbagada  
nɛmɔ̄go, ka nesin sene taabolo  
ma.
  7. Misiw ni baganw lakanabaga.  
Sikaso CMDT cikemara tilalen

7. Misiw ni baganw lakanabaya.  
Sikaso CMDT cikemara tilalen

## ɳaniya waleyalenw katimu (tari)

Koori 82092	Kaba 63850	Ƞo 32102	kennige 41948	malo 20989	tiga 12569	Da 9
bene 26	So 11146	Soja 302,50	fini 331	bagandu mumi 1379		

Fen min y'an ka mara cikeda hake ye, o be ben 30 685 de ma. An n'olu fana bee lajelen be baara ke joggofe. An b'u kalan sene keko numan na, awa, an b'u ladi fana baara taabolo la. N'i y'o cikeda hake o laje, minenko siratege la, i be t'a soro tarakiteri be maa 115 de bolo. O be ben hake kuuru kemetylada 36 de ma (% 30).

don cikəkafo duuru (5) de ni  
nəgən cə. Olu ye : Kinan ; Kilela ;  
nəna ; Sikaso ani Kajolo.  
O cikəkafov fana tilatilalen bə  
lakəliden - sigiyorow ni nəgən cə,  
an ko minnu ma ko koɔrikomiw. O  
koɔrikomi 99 de bə an ka  
cikəmara kono. Fen min ye iziniw  
ye, o saba de b'an ka mara kono.  
Fen min ye iziniw ye, o fila de  
b'an ka mara kono. Izini fila (2) bə

Sikaso yan, kelen (1) be Kijan-Garazi kelen fana b'an bolo yan seriwusi mobiliw ni baarakemobiliw labenni kanma. Baarajekulu kelen fana b'an bolo yan min faamuyalen don siraba baaraw la, n'u ka baara bennen b'o ma. Ne yere demebagada konoñton (9) de be yen, minnu ni ne be baara ke hogonfe.

## II. Fen min ye 2002/2003 baara-san taabolo ye.

Fen min ye an ka ninan baara bolodacogo ye an ka cikékafo duuru (5) kono, an tun ye koori kene tari 90 400 de naniya siri.

Fen min ye kaba ta ye, o kene tari  
naniyelen tun ye 68 435 ye. Nø  
kene tari naniyalen tun ye 30 840  
ye. Fen min ye keninge ye, o tun  
ye kene tari 41 885 ye. Malo ta,  
falakønomalo ni lækonomalo, o tun  
ye kene tari 22 355 ye. Tiga kene  
tari bolodalen tun ye 13 415 ye.

Nin kene tari naniyalenw la, da ni  
bené ani so ni fini fana tun ta be  
yen, fo ka se bagandumuniw ma.  
Ka da samiñe taabolo cogoya  
kan, naniyaw sera ka dafa  
senefen dōw fanfē. Nk'u ma se ka  
dafa a dōw fanfē.

Nin kera ka da ninan sanji nago jugu de kan. N'a bora Kajolo mara la sanji ye nali damine yen min ka bi waati jan, ninan sanjiko ma k'a ne'ma yoro tow la.

Nka samiñe taabolo n'a ta o ta,  
an be se k'a fo ko geleya bëna  
soro min na kosebe, o ye malo ye,  
sabu la ale taalan ve ji ye.

Nin bee de kanma an be se k'a fo  
ko sannifeere waati min be  
senseenna ka na, k'an be k'o  
makonon ni hakilisigi ye.

Nin baara kera Sikaso, tarata  
don, san 2002 setanburukalo tile

3, Aya Umaru ka yamaruya  
kono, n'o ye cikemarakuntigi ye.

Kumasentigi : Mamadu  
Mama Jara  
Baro tabaga : Tumani  
Yalam Sidibe

## Kalataw matarafali :

## Faso layiriwali siraw ro belebele

**A**n be don min na i ko bi, fasojo walew ro belebele do ye kalataw matarafa-ko numan ye fasoden kelen kelen bëe fe. Jamanakuntigisigi, depitesigi ni mëerisigi bëe kelen don a dama kalataw ye. Jamanadenw ka bala ka wuli ka nëmaa kura sigilen sëro a kunko nënaboli kama, o tile binna kabini san 1991 mariskalo tile 26 don. Folo, jama danayamogo n'a diyajëmogo tun te jatejëmaaw tun be ta ka bila jama nëma ten. O wale këra an ka jamana ma sababu jujuba ye netaa ni yiriwasiraw fe. Bawo o nëmaaw caman tun te jama dòn sanko jama lako.

O banna. Kalata tile funtira an ka jamana kunna ninan y'o san tan ni fila ye. O ye baara ba de donnek ye anw fasodenw bolo, bawo kalata ye jemufanga jösenw ro belebele do ye min lasogonni baaraw dulonnen don an kelen-kelen bëe la. N'an salayara, kalataw be ke wale nagasilenw ye. O tuma, a be ke i ko an jëra k'anda bëe an fasoko la. K'a to ke "min mana sigi an kunna an n'o ta ni ala ye". Fanga jugu ni diyagoyafanga nogo donnan ye o miirinna suguyaw de ye.

## Kalataw be mun ko fo ?

Sigida kelen, walima kafo kelen maaw ka je, k'u dana maa sugandi k'u kunkow nënaboli kalifa o ma waati bolodalen kono sariya fe. Kalata ka lanini y'o de ye. Ni bëe m'a k'a kunko ye, sigida,

walima kafo te porokoto kaa bin maa tegé jama te min dòn. Fasojama ka se k'a sagonna nëmaaw sigi a kow nënaboli kama, nin ye daamulakoba ye hali bi min nafa n'a koro jönjön ma faamu an ka jamana kono. N'o te kumasen dòw be senna bi, olu tun te na men mögo si da.

- Ne te mögo si ka pariti la...
- Ne ci ka ca wote ma...
- politikimogo ferelen de don...

Nin ye hakilinan cëjugubaw ye min nankatan ka bon kala-tafanga ma. Ni bëe banna kalata ma, a te waleya sanko fanga ka bëe a ko la. O be i n'a fo ko ton kelen fanga tile nënafin b'an na. O be i n'a fo an mako te an yëreko la. Politikiton te dòwëre ye jekulu ko min sinsinnen don hatilinan kelen kan jamana dilanni hukumu kono. Duga jekulu te, maadun-wara jekulu fana te.

Bannyerela ni banncima taamaseere folo de ye nin hakilinanw ye. An be mara cëmaboli tile min na bi, kalata matarafali nafa ka bon bololatigetoya ma.

Kalata tiimeli kojuman ye konyerse ye wale numanba de ye min bëna ni basigi ye sigida kono. Bawo nëmaaw be ke jama fanba ka maa sugandilenw dama de ye.

O tuma, mugudun kana barafø sa, bolo bëe n'a dayorø don. Kalata waati mana se si kana to k'o. Maa te ke fën ye i yëre k'o !

Bakari Sangare

## U ko

Maa be se ci a tulo koro, kasoro i bolo ma don a je na.

Adama Yalonba Tarawele  
donkilidala ka bëe Masina

A ye falaw ladon ; a ye falaw ladon barisa falaya man di. A ye falaw ladon barisa faasaya ni basaya ye falaw ke taayorontanw ye.

jeneba sekì  
donkilidala ka bëe bamako

A' ye n deme. A' ye n deme n kunko la. A' ye n deme n kunko la. A' ye n deme barisa maa kelen te se ko la.

Nafi jabate  
donkilidala ka bëe Segu

Bolobirinnëna te galoya sa de n badenw ! Awa an ka nögon son hakili numan na. Maa min ka baara mana ke maayatins ye, o k'o dabila.

Nana kulibali ko "Nanu Kul"  
Donkilidala ka bëe Bamako

Maa te ke dugawuden y'i yëre ka kewale ko. Maa te ke dangaden y'i yëre ko. Denjugu de b'a ka baara ke ba ka sinayakelë keli y'a nöna, wali-ma fa ka sinayakelë keli y'a nöna.

arajo "Liberte" ka sogomada  
baronin animateriw.

Ni dogo desera, tasuma be sa. Ni kolajuguyala te kene kan, fitine be ban.

Masa Solomani  
ka bëe Bibulu Bono.

Sagamone ta don k'a jugu folo y'a la donbagatigi ye, fo n'a y'a kantigemuru dato y'a kan na o fe ni nagali ye don min.

Sele Tumani Kulibali  
Ka bëe Sanan saba.

## Sumayabana ni Sidabana

**A**n be waati min na sisan, banaw n'u caya n'a taa o taa, a fila be yen, minnu be ka dankari ke adamadenya la ka t'a fe. O ye sumayabana ni sidabana ye. Ni sidabana ye dijne jamanaw bee jebana ye, sumayabana koni ye faantan jamanaw halala bana ye. Adamadenya taabolo yelemani barika ka bon ale de keleli la ka teme furaji ni furakise ani pikiriw kan.

### I - Sumayabana mankutu

Ale be soro soso musoma de ka cinnisirafe, an ko min ma ko "anofeli". "Anofeli" be sumayato cin k'o joli ta, ka taa kenebaato cin ka joli banakisema k'o la. O fana sumayato be wuli.

"OUA" ka fo la, Afriki kono, sumayabana barika ka bon haali adamadenw ka faatuli la, katuguni, san o san, a be ke maa miliyon kelen de ka saya sababu ye.

Sanga 30 kelen kelen bee kono, sumaya be maa kelen faga Afriki kono. Awa, tile o tile, sumayabana be ke denmisen 2500 de ka saya sababu ye.

N'i dun y'a ko jatemine, i be t'a soro ko sumayabana maa lakodonnen miliyon 300 fo 500, kemeticilada 90 (90 %) be Afriki saheliyanfan jamanaw kono.

"OUA" ka fo la, sumayabana be musow ni denmisew, ani faantanw de lasoro kosebe. Awa, a yera fana ko jamana minnu tun lakodonnen don ni sumayabana tununi ye ka b'u kono, k'a be ka ye kokura o jamana masinaw kono, i n'a fo Kodowari jamana ; Benen jamana ; Sera Lewoni jamana...

N'an dun y'a klosi, bana cejuguba in kele man gelon. An k'an laminiw senuya, ani k'an yerebunga sumaya ma ni sosow keleli ye.

Sumayabana ni Sidabana, lajababanaw don, minnu keleli ye jogo

yellemako ye dijenatige taabolo la. Maa dun man kan ka tige o la, bari-sa fosi man di ka dijne balo bo, sanko dijne balo kuntaala jan, keneya ni hakilisigi kono.

Sosomuso be sumaya lase mogo ma cogo di ?

Nin yoro in na, an b'a ye ko soso cinda n'a ka juguya bee, a be se ka bana kelenpe min lase mogo ma o ye sumayabana ye.

### O be ke cogo di ?

Sosomuso be maa cinko kelenpe de ke waati kelen kono. A be joli min ta o la, a be pan n'o ye ka t'a sigi ka tile 15 ke, walasa o joli o ka labaara a nogo kono, k'a bayelema ka ke daji ye. A be soro ka taa maa were cin k'o daji o fili ka t'o tigi joli kono, o bena ni sumayabana donni y'o tigi farikolo la.

Munna soso cinda te bana were lase maa ma i n'a fo sida ?

Soso be maa-joli-talen mara a kono fo tile 15 de. Awa, an k'a don fana ko finemagan te soro soso kono, n'o ye "idorozeni" ye. A ka gelon banakisem were, min te sumaya banakisem ye, o k'o waati ke balo la, sanko ni finemagan te yen. Sida banakisem koni ko te wo !

Nin de kanma, n'a fora mogo caman ye ko Sida be soro joli ka sirafe, ko nka soso te se k'a lase mogo ma, o be bala mogo caman na. Faamuyabaliya gansan don.

An b'a don nin de fe ko soso de hake ka ca n'an sigihogon jugu bee ye. Ale kelen te se ka maa fila cin



waati kelen fo tile 15 kuntaala. E dun k'a laje bani, soso cinda be sankise suuru maa kan cogo min su kelen, kuma te funteni waati ma, nogojugu ce ro.

### Mun ka kan ka ke ?

Jigugu-sigida te sigida min na, minenkolon fana kelen te ka sisobon kuru kelen fa ; soso te se ka balo yen. Soso te dwere ye nogojigidafen k'o. O b'a jira ko soso kelenpe keleli walew matarafali bena ni bana fanba tow silatununi ye an bara, barisa ni soso cinda be sumaya kelenpe de lase an ma, nogo koni ye bana bee lajelen baju ye.

**Tumani Yalama Sidibe**  
"Hakilinaw dafara ni arajo  
Mali ka taratasu jemukan  
taasira de ye (keri uwéri)  
"coeur ouvert".

## Kabako dere !

Bubunin ye adamaden sawura bee ta fo sawura kelenpe. O y'a nun celi y'a bolo la. Bubunin ma nunfiye ni nun celi keguya soro abada. Ale nunji be suuli ka bo ten de.

**Si Solomani Si**  
**arajo Bamakan animatori**

## Ka bo korogelənbugu

**N**be nin bataki ci jekabaara nəməgəyaso ma ka n ka nisəndiya jira anw ni World Wision cəsiraw taabolo numan na.

Sanni n ka n da don fasari la, n b'a jira aw la ko ne ye korogelənbugu balikukalankaraməgo de ye, min nəsinnen be denmisənninw ka kalanko siratəge ma. Korogelənbugu sigilen be San ni worodugu cə, ka digi tilebinyanfan kan.

Korogelənbugu be nəsino komini kono. O be Da komini babolo kərənyanfan fe. Jəgeni ni Ngəwa komini b'a ni tilebin cə. Ntoroso komini b'a ni worodugu cə.

Anw ni World Wision be baaranjonya la kabi san naani (4). World Wision ye balikukalan sabati anw ka dugu kono. A ye musow

ka nətaa kalansiraw bo. A ye musow dege safunedilan ni munnituludilan na, ani məni nafama dilanni. Ni maa ye numan k'i ye, hali n'i ma se k'o sara a ye, a ka kan i k'a walenumandən ani k'a ka numan kelen fə jama k'a men, i jənəgənw bəe ye. O de kosən, ne be foli ke ka nəsin San World Wision məgo bəe ma. N ka foli be World Wision baarakela bəe ye Mali fan bəe fe.

Ne yərə ye kalan damine san 2000 awirilikalo tile 5. N y'a damine ni kalanden 23 ye. An k'a dən ko baara o baara, i be t'a səro gəleya ni nogoya b'a kono. O la, ni gəleya sərola ne ka baara taabolo la, o kera kalanden dəw ka banni ye kalan ma pewu. Karaməgo ka ladiyaliko fana kera gəleya ye. Anw

kəni ye kalan ke, fo ka na se an be don min na i ko bi. O kalanden folow ka kalan san hake dafara. Barisa World Wision ye kalan bolo da ka ke san saba ye. Ni Ala ye san kura nata jira an na, n bəna kalanden kuraw ta. Ne be duguməgəw de ka yamaruya kono karaməgəya in na. Ni n ye foli lase World Wision ma, foli be taa se jekabaara səbenjekulu fana ma. Ale de b'an kunnafoni a nəma siratəge bəe la, k'an sigilen to an no na. Ala ka taajə don baaraw bəe lajəlen taabolo la.

Bataki səbənna Umaru Kulubali de fe, n'o ye balikukalankaraməgo ye korogelənbugu (San)

## Ka bo Wakoro

**N**Daramani Danbele nisəndiyalen be nin bataki ci Jekabaara nəmaayaso la Bamako ka n ka kunnafoni lase u ma anw ni World Vision ka yiriwalibaarako hukumu kono. Baaranjonya donna anw Wakorokaw ni World Vision cə kabini san 1995 balikukalanko siratige la. An ye san saba nəgon k'o kalan na, n'o ye : 96, 97 ani 98 ye. Nin san saba kono, kalan in ye nafa min ladon anw ka dugu kono n'o ye Wakoro ye, məgo te se k'a fə ka se a dan na. O fəlo ye jumən ye ? An be don min na i n'a fə bi, anw be bataki səben an yərə ye, ka maa wəre fana ka səbənneñ kalan. An b'an ka sannifeere kow bəe lajəlen nənabə k'a ban k'a səro an ma

wuli ka se maa wəre ma walasa o tigi k'o nənabə. Ne hakili-la ninnu ye nafaw ye balikukalanko la maa tə se ka minnu fə ka ban. O təmənen kə, anw ka sansabakalan dafalen, World vision ye anw maa fila sugandi ka anw bila ka taa kalali dege San dugu kono kalali karaməgo də fe yen. O baara siratige la, an ye gəleya dəw səro o la n'o ye jatigilako ye. Ka d'a kan, waati dəw tun be ke, dumuniko ni finikosafunəko tun be gəleya anw bolo kosebə. O təmənen kə, anw ka baarakəyərə-la, waati tun manase, anw jatigike tun be baara dəw boloda ka bən o waati ma. N'an tun kumana, o tun be an jatigike tərə kosebə. N'an be kalalikəyərə, an tə taa dumuni ke joona, n'an be baa-

rakəyərə an tə wari fana səro ka finikosafunə san, wari tə səro ka dumunifən san. Ninnu tun ye gəleyaw ye an ye minnu səro an ka baaradege sənfə san dugu kono. N ka n be min fana fə ka fara n ka fəlenw kan, o ye ko maa tə foyi səro n'i ma səgen. Ka d'a kan, kumadonsow ko : "Maa tə fən səro n'i ma səgen". An kənni səgenna an ka baaradege sənfə. N ka an be don min na i n'a fə bi, anw be Ala tanu k'a barikada World Vision sababu la. N be n ka kuma kuncə ni foli ye ka nəsin World Vision baarakela cə ni muso bəe lajəlen ma Bamako fə koro. An be foli ke ka nəsin Jekabaara kalanbagaw n'a lafasabaw bəe lajəlen ma.

Daramani Danbele  
Kalalikəla ka bo Wakoro

## "World vision" ni kanjekaw cesira

**K**anjé ye dugu ye min be koromo komini fe. A ni Ntogonaso ce ye kilometere 15 ye kénkayanfan fe. sèbe be kanjé, baara be kanjé, wa noggonaamu ni kotoñgontala yere fana be kanjé.

O siratige la, kabini san 1998, kanjekaw ni "world vision" bolo be noggon bolo dugu yiriwalibaarako hukumu kono. A ye baara caman ke kanjekaw ye, i n'a fo dugu kolon koro da labenni min ye, o folo-folo kera fen ye min nafa bonyana dugumaaw bolo kosebe. Sabu a kera sababu ye ka bana jugu caman silatumu ka bo an ka dugu kono. I n'a fo kono boli, togotogonin n'a noggonna bana werew, minnu be soro jinogo fe.

safunedilan kalan ye Ntogonaso, World Vision y'a jo n'a musakako ye fo ka taa kalan ban, dugumaaw ma doweré di u taato ma, dörème keme naani (400) ko

### Baara kelenw nafa :

Umaru Danbele ka fo la, World vision ka baara kelen ninnu nafa te se ka fo ka se a dan na. Ka d'a kan, a ka baara damine kera kolon koro da labenni min ye, o folo-folo kera fen ye min nafa bonyana dugumaaw bolo kosebe. Sabu a kera sababu ye ka bana jugu caman silatumu ka bo an ka dugu kono. I n'a fo kono boli, togotogonin n'a noggonna bana werew, minnu be soro jinogo fe.

Fen min ye baaraw geleyaw ye : An ma geleya soro an ni World vision ce baara noggonya fan si la.

Ka d'a kan, kabin'u ye baara damine anw fe yan, u ma na ni baara foyi ye ni anw ye geleya soro min na. A bee lajelen kera ben ni kelenya ni noggonaamu kono.

**Dugu ka lajiniw halibi ka nesin World vision ma** An be don min na i n'a fo bi, anw kanjekaw be min nini World vision fe, o te doweré ye lakolisoko ko. N'u tun sera ka lakolisoko kelen jo anw fe yan, o tun

be diya an ye kosebe. Ka masoro Bamananw b'a fu ka nsaana do la ko : "Mugudun te baraf sa, sabu bolo bee n'a dayoro don". O siratige la, balikukalanko te lakoliko sa. O temenen ko, kanjé musow fana da sera nosimasinko ma, min be se ka ke sababu ye k'u deme u ka yirwalibaarako la ka taa a fe.

### World vision ka baara taabolo lahalaw :

An be don min na i n'a fo sisan, anw fe yan, a ka baara taabolo ye anw kanjekaw diya kosebe. O hukumu kono, World Vision ka baara taabolo fan bee ka ni. Ka d'a kan, anw ma fije foyi ye kelen folow la.

Fen min ye World vision ka baara kolosibagaw ka baaraw taabolo ye, Umaru Danbele ka fo la, olu bee fana ka ni. Ka d'a kan, anw ma geleya foyi ye u ka baara taabolo la bonya ni karaama ko..

Kunnafoni kuncé la, Umaru Danbele ye foli ani taanuni ke ka nesin koloni world vision ADP nema Poli kulubali n'a baarakeloggow bee lajelen ma. kerenkerennenya la, karamogo Dadugu kulubali ni Bensame Male.

**Yusufu Fané**

## Ka bo Yangaso dugu kono

**N** Madamu Buware Jaara Tangara nisondiyalen be nin bataki ci jekabaara nemaayaso la Bamako. Anw ni "World vision" ye baara noggonya damine san 1997. O damine na cogo di ? "World vision" wulila ka se an ka dugu kono, k'a jira dugutigi la k'u b'a fe k'an deme ni balikukan ye, o min ye yiriwali sinsin bere folo ye min nafa ka bon kosebe. O siratige la, dugutigi ye welewelemedali ke k'a jira ko ni kalan ka di muso min ye, o tigi ka taa a togo seben dugutigi fe yen. O kalan damine ni sisan ce, anw ye nafa caman soro o la minnu ye : kunfinya keleli k'a bila sira jelen kan. O hukumu kono, anw sera ka nafasorobaara caman dege balikukan in sababu la minnu ye

safunedilan, galadon, bogolandilan n'a noggonnaw. O temenen ko, min ye kenyako nasira ye, "World vision" ye, an kalan olu bee la, i n'a fo denw ladonko numan n'u balocogo numan, kenyaji dilan cogo, moniji nafama dilan cogo ka fara saniya temesira werew kan. O temenen ko, balikukan in kera sababu ye anw ka bana caman sidon minnu be kasaara lase hadamadenw ma. I n'a fo kono boli, sumaya, sida n'a sorosiraw n'olu ye : jinsusubij, piki-ribij, kundilamu ani bolokolimuru n'a noggonnaw. An fe yan, geleya si ma soro kalanko la. Min tun ka di anw ye, "World vision" ye anw deme kosebe. N ka halibi, an b'a jini "World vision" fe a ka do fara o baara kan. "World vision" kera sababu ye

ka kesu do sigi anw ka dugu la wala-sa an be se k'an k'a wari sorolaw mara yen. A kera sababu ye ka deme don lakolisoko la an ka dugu kono, ka baarakemine daw di an ka komini méri n'a baarakeloggow ma. Min ye ne yere ka Karamogoya siratige ye, n ye kalanden maa 22 kalan n ka kalanso kono, kalanden jolenw b'u la minnu be se k'u yere ka batikiw seben k'u ka jatew nénabo. An be don min na i n'a fo bi, o kalanden jolen daw be se ka ke karamogo ye ne nona. O tuma, an be "World vision" fo k'a walenumandon.

**Madamu Buware  
Jaara Tangara  
Yangaso musow ka  
balikukan karamogo**

# Koɔrisenewaw bɛ k' u laben koɔri cikelajekuluw ani cikelatonw ka koperatifuw kɔnɔ



Usmani N Trawele

**S**et an  
buru-  
kalo  
tile 10, san  
2 0 0 2 ,  
C M D T  
kalanfaw ye  
nogon sɔɔ  
K u c a l a ,  
walasa ka  
hakilijagabɔ  
ke ka nesin  
cikelaw ka

labenjekuluw ma. O hakililajagabɔ kera sababu ye k'a don ko koɔrisenewaw taara ne hali labenjekuluw sigliko la, CMDT maraw kɔnɔ. Awa o nobabɔ kera ka da CMDT ka maa faamuyalenw ka bilasiraliko numan de kan. Cikelaw labenjekulu (APC) caman ani cikelaton - jekulu caman sigira

bɛe. Nin yɔɔ in na an b'olu koɔ aw ye, dugu ni dugu. Nin komini woɔɔ ninnu de ko don : 1. Jebe komini : APC 11 sigira sen kan

2. Kaladugu komini : APC 32
3. Kerele komini : APC 14
4. Nanjila komini : APC 14
5. Masigi komini : APC 50
6. Gwendo komini : APC 8

APC ni CPC ka farali nogon kan, o b'a to cikelaw bɛ fanga sɔɔ ka fura jɔnjɔnw sɔɔ nogonfe u ka geleya sɔɔlenw la, minnu temena dugu kelen ka seko kan. O de kanma, an b'a nini kominiw APC n'u CPC fe, u ka fara nogon ka labentɔnjekuluw kɔnɔ, ka ben san 2001 zuluyekalo tile 18 sariya n°01-076, o min be tali ke jekulusigi kan, Mali jamana kɔnɔ.

Sariya dun ko di o siratige la walasa maa ka ke cikela-

A dun yera ko lakodɔnseben ani woloseben te koɔrisenewa caman kun. Cikela labentɔnjekuluw dun sigiliseben bɛ di a nemaad de togo la. O de kanma, a bɛ nini koɔrisenewaw fe u k' u sebe don seben. ninnu ninini ma, n'o ye lakodɔnseben ni woloseben ye.

**Kɔbɔili :** N'an yere ye jatemine ke, an be taa a sɔɔ ko dije nafamako si te se ka nənabɔ bi ni seben t'i bolo. Adamaden sebenntan de ye taayɔrɔntan ye dije fan bɛe fe. An be don min na i ko bi, cikelaw, cema n'a musoma, bɛe ka kan k'a don ko adamadenya ntulomaberebere ye seben de ye.

Ni Ala sonna, boko nata kɔnɔ n bəna kuma cikelaw ka salon baaranan minen nininenw lahalo kan CMDT mara woɔɔ (6) kelen kelenna bɛe kɔnɔ. An bəna nogon bilasira ni ladilikanw fana ye, minnu be tali ke sannifeere lahalaw kan.

Sanni o ce, n ka foli ni taanuni bɛ APC ni CPC sigilenw bɛe maaw ma. N be Ala deli fana duguw ni komini ninnu ma ke APC ni CPC ye fɔlo, olu ka bila a sigili sira kan teliya la. O kanma, n be segin sebenko nafa kan. An bɛe k'an jija walasa lakodɔnseben ni woloseben ka sɔɔ an

kelen kelen bɛe kun waati bɛe, barisa adamadenya fən fosi te ne sɔɔ u kɔ.

Usmani N. Trawele  
CMDT kalanfakuntigi  
- dankan  
CMDT nemaayaso Bamako

CMDT maraw	Sigita bolodalen san 2002/2003	APC sigilen sen kan	CPC sigilen sen kan	APC ni CPC Kuuru san 2002/2003	Kuuru san 2001/2002
Buguni	300	388	-	388	391
Fana	376	291	-	291	463
Kucala	150	244	-	244	250
Kita	200	53	-	53	115
San	115	109	-	109	109
Sikaso	400	-	473	473	473
<b>Kuuru</b>	<b>1541</b>	<b>1085</b>	<b>473</b>	<b>1558</b>	<b>1801</b>

sen kan n'o ye (CPC) ye.  
Katimu in kɔnɔ, aw bəna o "APC" ni "CPC" sigilenw lahalo bɛe sɔɔ ka se bi ma.

Komini woɔɔ de y'u ka tonjekulu sigi sen kan ka ben ni sariya taabolo ye, i n'a fo mara tɔw kɔnɔta sigilen tɔw

tonjekulu nemaad ye, a wajibiyalen don "kaziye jidisiyεri" (seben min b'a jira k'i ma kasokε) ni woloseben sɔɔ-seben olu dun be nini sariyaso de la. Ni lakodɔnseben dun t'i bolo (karatidante) t'i bolo, i te se k'o sebenw sɔɔ.

## Fan-bëe-kunnafoñi-sorotaw

### Binkanni do këra Nizeri jamana kono, maa 5 ni tora min na

Maa 5 fagara binkanni senfe min këra karidonya do fe Zenderi mara togodalañsugu do la (Nizeri jamana körönyanfan fe).

Nin kunnafoñi lasera ntëñendon "Saheli kan" fe, n'o ye Nizeri arajo-so ye. Arajo ka fo la, maramafentigi maa 4 girinna ka don sugu kono karidon wuladayanfan fe Marimusa sugufiyé la, o min ye dugu fitinin ye, n'a ni Zenderi ce ye kilometres 100 noggon ye. Maa ninnu taakun tun te doweré ye ka bin maaw kan ka sugukonowarikesuw ni mobiliga-

ra taw da kari, k'u konoñwari bëe ce ka teme n'olu ye. Nka, jagokelaw fanga bonyara n'u ta ye tuma min, u ye kisë suuru jama kan, maa 4 tora sisi la o yorónin bëe la. Nka o n'a ta bëe, jama dusukasibagato ye maa kelen soró maramafentigi ninnu na k'o dasi kosebe, fo k'o ni kene karaba. O yoró bëe la, a to 3 ye danké.

A foçogo la, kalo-saba-laban in na, Zenderi mara la, n'o ye Nizeri ni Nizeriya jamana dance ye, a jatemena k'a ye ko binkannikela

minnu be yen, k'olu ka wale te doweré ye ka sira tige hadamadenw ne kó. O hukumu kono, mëkalo temenén, lakanabaa maa 3 fagara mugucinna do senfe, min sababu bora binkannikela do ka binenni na a yoró la.

An ye nin kunnafoñi soró kunnafonisëben "Les Echos" (Wele-Wele) kono. A ka don-ni-dugujé bota boko 1974 nan, alamisa, setanburukalo tile 5, san 2002 nan.


**A bayelémabaga :**  
**Yusufu Fane**

### Faso Mali taabolo

**S**an 2002 setanburukalo temenén këra kaloba ye, ninne têna ke min k'o an ka jamana kono abada. Koba caman de ye noggon soró a kalo kono, minnu kelen kelen bëe y'u no bila an ka faso Mali taabolo la.

Nka, nin yoró in na, an da be se o kobaw sira saba de ma.

1. Jamanakuntigi kura Amadu Tumani Ture ka tilenaanitaama



**Ibirimi Bubakari Keyita (IBK)**

Faransi jamana kono. O këra sababu ye Faransi jamana k'a ka juru haké % 40 bin ka bo Mali jamana kanna. Faransi ka juru min b'an ka

jamana kanna ka bi an ka yëremahorónya tawaati fo ka se bi ma, o be keme-caman-jate de. N'o haké % 40 binna an ye, an b'a don k'o ye ninakilifijé kura donto y'an ka jamana na.

2. Setanburukalo tile 16, san 2002, an ka depitebulon kura y'a ka sigiko folo ke. O senfe depite maa 135 de tun be kene kan. Depite maa 115 dijéna olu la ni depitebulon nemaaya dili ye Ibarahima Bubacari Keyita ma san duuru nata kanma. Depite 8 de sorola minnu wotera pariti SADI ka cébo ye. Nin b'a jira ko Ali Jalo nonabilara IBK (Ibarahima Bubacari Keyita) de fe depitebulon nemaaya la fo ka se san 2007 depite -sugandi-kalafiliw ma.

3. o Y'an ka jamana ka yëremahorónya sankubënseli 43 nan ye, min këra san 2002 setanburukalo tile 22. O be maa taasibolo ke ka t'an ka jamana ka sinjësigi kan. San 43, jamanakuntigi 5 (maa naani, ka masoró Amadu Tumani Ture kelen ye nako fila ke). O ye Ala taanuni sababuba



**Amadu Tumani Ture (ATT)**

ye. Awa, fen min ye jamana taabolo ye, sabati donna o la haali, hali ni fijemayorónin sorola fanga kelen kelen bëe taabolo la. Bi bi in na, siga hali kelenpe te Mali ka jamanabaya la Afiriki kono. Awa, fen min y'an ka nafolomafén kologirinba fila ye (sanu ni koori), olu labaarali be maa ba keme caman de ka dijenatigé nafa san o san, kuma te Mali jamana yere ma, o min ka nafolo soroli bolodafenbaw don.

**K'an ben boko nata**  
**Tumani Yalam Sidibe**

## Nsiirin to

**A**n balimaw i n'a fo an y'a fo aw nena cogo min na ko aw bëna bëdenma fila ka maana to soro an ka boko nataw kono. O tuma, o layidu talen bëna tiime aw ye n'a to laseli ye aw ma nin boko in kono.

U ye dabali wëre tige cënин kanma. U ye wëloso d'a ma k'a ye maloforo min sene k'a ka taa o malo bëe tige tile kelen k'a ban pewu. O folen, a taara sigi maloforola k'a ke kasi ye. O kelen, kënjinew bora tu kono fan bëe fe ka na cënин nininka k'a bë kasi mun na ? A y'olu jaabi ko. "N fa ye n bila malokaan na, ne dun te malokaan nedon". A ye nin fo tuma min, kënjinew k'a ma ko : "taa i sigi ka anw laje, n'an ye min ke, i b'o ye".

Olu ye maloforo malo bëe tige k'u bin-bin duguma k'u kanto ko : "Anw bë se malotige la, n ka anw te se malodalaje la". Olu y'u kodon yoro min na, gönüku bora tu la ka na cënин nininka ko : "A sigilen bë mun na ? A y'a sigikun nefs ouye. Olu k'a ma : i sigi k'an laje n'a ye min ke i n'o ye sisani. Olu ye maloforo kono malo bëe lajelen fara nögön kan ne tugu n'a yelen ce la, k'u kanto ko : Nin te kasikun bo ka anw to yan, taa so n'i yëre ye gansan". Cënин wulila ka sosira min. A selen ye, sokonomaaw bëe lajelen dabali banna cënин ka ko la. N ka n balimaw, u ma fara cënин na halibi. U ye feere wëre tige cënин kanma tugun.

N ka n balimaw fen do bë yen, f'an da ka se o ma maaw ye. O ye mun ye ? An ko maana in na ko dogoke ye muso furu fo ka se tan ma k'a sababu ke a muso föl ma den wëre a ye ce kelen ni muso kelen ko. A ye musomanin Alamondi

bosoké do ma k'a soro a yëre ma faatu. A faatulen ko, fadenw ka juguyaba in de bë ka ke ka nesin a ka cemanim kelen in de ma. U ye feere kura min tige, o te dowerë ye, jönke ko cënин fa körökë ma k'a ka taa ni cënин ye badala, n'u donna kulun kono, a ka sanu bo kun k'a ke i n'a fo a b'o di cënин ma. N'a ko k'a bë sanu in min, i b'a bila k'a soro a bolo m'a soro. N'a binna ji la, i b'a fo ko n'a ma sanu in jini k'i b'a faga. N'a y'a ye, a fôra a banna, n'a ma ye, o n'a fagakun bo. O kuma folen, körömuso celakaw k'o te se ka ke olu nena ka furu to u ni nögön ce. Ni sanu donna yoro o yoro k'u b'a labo. U ye bosokamalenw fara nögön kan k'a ko don olu bolo. Kamalen kelen bë olu la, o ko k'a ko to ale kelen bolo a bë sanu taayoro dön. O y'a soro sanu binna yoro min na, manögö belebele do ye sanu in kunun paki ! Ka teme kamalen min ko k'a ko to ale ma, o tugura jëge in ko k'a gen. O sera ji cemance la yoro min, bama fana y'o jëge ta k'o kunun paki !

Bosokamalen in nana se bamaku-luw dalen ma k'u nininka ko : "Aw ma bama dunan ye yan wa ?" Bama min yëre ye jëge kunun, o y'a kanto ko : "kabini dugujera anw b'an nona an ma taa yoro la, n ka ne ye manongonin kelen soro k'o kunun".

Bosoké ko bama ma ko : I ye manögö min kunun o wugu n ka fara i la". Bama y'a jaabi ko : "Anw bë se ka fen kunun, n k'an te se ka fen wugu de".

A y'o fo yoro min, bosoké ye bama min k'a kono fara ka manögö ta k'o fana kono fara k'a buranke ka sanu ta ka taa di bosocéköröba ma, o fana taara sanu di a tigi ma. O temenen ko, bosocéköröba fana ye feere do jini jönke ka ko la. A ko

cënин ma k'a k'a laben, a b'a yëre yelëma k'a ke sa ye ka taa cënин fa körökë ka baramuso kin. N'u ye furako nininkali ke, i b'a fu ye k'a fura ye jönkeköröba kunkolo ye. Bosocéköröba ni cënин benna o la tuma min, a y'a ke sa ye ka baramuso kin. Kabini o kéra, dugu girinna gewu, min ka fura ka di, min ta man di, maaw bë bolila fan bëe fe. N balimaw, céköröba do tun bë jama cela, o y'i kanto ko : "A te ta cënин nininka n'a ya soro safura b'a bolo". U ye maa ci ka taa cënин nininka furako la, a ko muso ka sakinda fura bë bo jönkeköröba kunkolo de la. Cënин fa körökë y'i kanto ko : N'i ya men ko körölenfö, o te kurantayan ye. A' ye jönke min na n'a ye. U y'a min na n'a ye k'a kunkolo tige ka bo a kan dala. Jönkeko banna yen, wa cënин fana lafiyara.

N balimaw, nin tun ye laadilikan ye ka nesin hamadadenw ma, an k'a dön ko juguya laban ye kenyerela ye. Nontë nafa foyi taa la nimisa ko. Yakuba Kone n'u ko Alibela

Mobilobilila  
Sikaso CMDT

<b>Jekabaara</b>
Labolikuntigi ni Sébennekulu kuntigi
Tumani Yalam Sidibe Sébennekulu
Yusufu Fane Bakari Sangare
Usumani N Tarawele (CMDT)
Tumani Yalam Sidibe Demögönw
Fanta Kulubali Idirisa Setigi Sako Bonifasi Danbele Niegénw kebagá
Yakuba Jara ko Kayi Labenbagá ordinaten la
Worokiyatu So Baarakögönw
CMDT-World Vision- Ofisi Nizeri-Ofisi Iri-OHVN Hake bota : 11000 Batakisira : 2043 Niegjurisira : 229 62 89
Jamana baarada-Seki zayedti togola sira-Hamudalayi kin -Bamako